



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXVII. Hæreticorum reductioni vehementissimè insudat.

urn:nbn:de:hbz:466:1-42857

Valida con-
tra peccatū
remedia.

Zach. 9.

Lib. 10.
Confess.
cap. 29.
& 31.

& in alios misericors est. Nobis enim necessaria est vita nostra, aliis fama nostra. Vt verò in peccata non labamur, memoriam Christi in nobis crucifixi plurimum valere dicebat, eamque debere peccatum cogitanti occurrere. Insuper utilissimā esse frequentem exomologesim, & S. Eucharistiæ summptionem, quod ex utroque Sacramento, tamquam de pretiosissimo vase, hauriantur medicamenta animæ sanitati accommodata: præsertim verò robur ad impetus diabolicarum insidiarum fortiter excipiendum. Siquidem cælestis ille panis confirmat cor hominis, & vinum illud germinat virgines. Neque minimas habet vires oratio: quæ & familiaris ipsi fuit in hæc verba: *Da quod iubes Domine, & iube quod vis; continentiam iubes, perseverantiam iubes, da quod iubes, & iube quod vis.* Ita futurum videbat, ut homines à peccatis, præsertim maioribus, arcerentur.

CAPVT XXVII.

Hereticorum reductioni vehementissimè insudat.

HÆRETICOS & ab Orthodoxæ regulæ fidei deerrantes ingenti labore conatus est ad viam veritatis reducere. Atque cum hæresiarchis, & iis qui præfractæ fuerant

rant sententiæ, tum qui plebem imperitam
 suis nœniis abducere soliti, vehementissimè
 contendit; ac præsertim cum Donatistis,
 & deliro hominum genere Manichæis: cu- *Disputat*
 ius sectæ Principem Fortunatum, propalam *palam cum*
 excipientibus vtrinq; dicta Notariis, con- *Fortunato.*
 futauit atq; deiecit, vt præ rubore ac igno-
 miniâ sectarius Hipponem repetere deinceps
 non fuerit ausus. Complures itaque
 suâ oratione & exemplo permotos ad Or-
 thodoxam fidẽ adduxit, ac operâ suâ per-
 fecit, vt res Catholica mirum in modum
 eâ tempestate semet efferret. Quam indu-
 striam & diligentiam vt adhiberent ceteri
 Episcopi, coram & per literas eos vehe-
 menter inflammavit. Post hæc Fortunatum
 sectæ principem, de quo iam diximus, ex-
 cepit nescio quis Manichæus par officio;
 quem S. Augustinus scripto infectatus, *Si, Epist. 244.*
inquit, questionem in quâ tuus prædecessor
defecit, mecum tractare non es paratus, disce-
de hinc, & noli veneno inficere animas infir-
mas, ne adiuuante dextrâ Domini nostri, quo
modo non putaras, erubescas.

Postmodum in Donatistarû hæresi pro- *Totus est in*
 fligandâ multû laboris impendit: ac in pri- *profligandâ*
 mis rude vulgus, quod errore præceps fere- *Donatista-*
 batur, dedocendum esse statuit, Psalmo qui *rum hæresi.*
 eis caneretur, Latinè cõposito, quo calum-

nias à Donatistis factas Ecclesiæ Catholice insigniter refellit, eosque qui seducti erant, ad detestationem hæresis, sanctæque Romanæ Ecclesiæ communionem inuitavit; extra quam nulli mortalium spem ullam veræ salutis propositam esse docet.

Tom 7 in
principio.

*Scitis, incinit, Catholica quid sit, & quid
præcisum à vite?*

*Si qui sint inter vos cauti, veniant, vi-
uant de radice,*

*Antequam nimis arescant, iam liberen-
tur ab igne, &c.*

Et post pauca :

*Sed quid illi externum virtutum splendo-
rem præ se ferenti prodest forma, si non
viuat de radice?* (vite:

*Venite fratres, si vultis, ut inseramini in
Dolor enim est cum vos videmus præcisos
iacere.*

*Numerate sacerdotes vel ab ipsâ Petri sede,
Et in ordine illo Patrum, quis cui succe-
sit videte.*

*Ipsa est petra, quam non vincunt superba
inferorum porte.*

Ad hæc epistolam Donati, quæ specie an-
tidoti venena propinabat, quæque nihil pe-
stilentius in manus Catholicorum venire
potuit, ante omnia detexit, & contrariis
argumentis dissoluit.

DE